



Kerkleiers (oor Vrymesselary)

by **Eben Swart**
8 April 2013

'n Konsep-skuldbelydenis vir individuele kerkleiers oor institusionele Vrymesselary, ter persoonlike voorbereiding tot korporatiewe, openbare belydenis.

**'n Konsep-skuldbelydenis vir individuele kerkleiers,
ter persoonlike voorbereiding tot korporatiewe, openbare belydenis:**

(Soos op "Vals Priesterschap"-DVD)

Vader, ek verskyn voor U op grond van 1 Joh. 1:9 wat sê dat indien ek my **sondes bely**, U getrou en regverdig is om dit te **vergewe**, en my te **reinig** van alle ongeregtighede.

Ek erken en bely my **passiwiteit** en **oningeligtheid** tov **Vrymesselary-praktyke binne U liggaam**, en my **vrees** om dit na te vors of te opponeer.

Ek erken en bely my **geestelike onvermoë** om, ten spyte van eksplisiete waarskuwings in U Skrif, hierdie millennia-oue strategie van Satan teen die *ekklesia* te **herken** of te **konseptualiseer**.

Ek erken en bely dat ek die Bybelse konsep van Babilon **verintellektualiseer** het, en myself sodoende teen die waarskuwings van U Gees **vereelt** het.

Ek bely dat ek wetend of onwetend my **kollegas toegelaat** het om **afgodsdienste** binne die *ekklesia* te bedryf en dit **nooit gekonfronteer** het nie.

Ek bely dat my passiwiteit en lafhartigheid hieroor grootliks bygedra het tot **onheiligheid** binne die Liggaam van Christus, en dit voor U **skuldig** en **kragteloos** gemaak het.

Ek bely dat ek my **profetiese roeping** in hierdie verband **versaak** het, en dat **medegelowiges** en die **Koninkryk van die hemele** hierdeur **groot skade gely** het.

Vader, ek vra dus nou op grond van U **Woord** in die Naam van **Jesus** dat U my hierdie **sondes, oortredinge sal vergewe**, en my van alle **ongeregtighede sal reinig**.

Hiermee maak ek dus nou 'n **wilskeuse** om **Vrymesselary**, en alle **onheiligheid** wat daarmee gepaard gaan, voor die Vader, Seun en Gees te **verloën**.

Ek **kies** om op alle vlakke na liggaam, siel en gees met Vrymesselary te **breek** - ook op historiese, beroeps- en argitektoniese vlakke.

Ek verklaar dus dat ek in alle ewigheid **niks** met Vrymesselary of sy filosofie, wêreldbeskouing, moraliteit, simbole, allegorie, werktuie, meganismes, ede, geheimhouding, byeenkomste, vergaderplekke, byvoordele, invloed, herkenningstekens, magie, rituele, wagwoorde, hoër wese of gode **te doen wil hê** nie.

Ek verklaar dat ek, soos met alle ander vorme van afgodery, alles binne my vermoë sal doen om **Vrymesselary uit die Liggaam van Christus te weer**, dit **aan die kaak te stel** en dit in die lig van die Skrif te **ontbloot** itv doktrine, metodiek en lidmaatskap.

Ek kies om **weg te draai** van sondige weë.

Ek kies **teen die duisternis** en **vir die Lig**.

Ek kies **teen die Geheimnisse** en **vir die Evangelie**.

Ek kies **teen die Hemelkoningin** en **Kundalini** en **vir Jesus**.

Ek kies **teen die Koninkryk van Duisternis** en **vir die Koninkryk van die Hemele**.

<http://trumpetcall.co.za/prayers/kerkleiers-oor-vrymesselary>

Amen